

CASUS LITHIASEOS,

QUEM,

VENIA EXPERIENT. FACULT. MED.

PRAE SIDE

JOH. AGAP. TÖRNGREN,

M. D. Chir. M. Chir. & Art.-Obstetr. Prof. P. & O. Præs.
Coll. Imp. Med. Fenn. Ord. Imp. de St. Wolod.
in IV. Cl. Equite,

PRO GRADU MEDICO

PUBLICÆ MODESTE SUBJICIT CENSURÆ

AUCTOR

SAMUEL ROOS,

Phil. Doctor, Med. Licentiatus, Medicus Provincialis Cajanæ,

In Auditorio Medico die XXX Junii MDCCCXXVII.

h. a. e. p. m. c.

ABOÆ, Typis FRENCKELLIORUM.



HISTORIA MORBI.

Mendicantium quidam ex paroecia Wirmo, Jacobus Annæ filius, XV annorum, in Nosocomium Aboënsse die XXV Maji MDCCCXX recipitur, morbi, quo affligebatur, mox describendi remedia quærens.

E femina, quam secunda jam vice illicita cupido matrem fecerat, sorore duobus annis junior, ad vitam miseris vagationibus molestam natus, inflatione abdominis & macie corporis mox a prima infantia corripiebatur. Eundi artem, nascentium agendi virium primam, valetudine aliquantulum recuperata, anno demum ætatis sexto exercere inchoavit, eaque primum ad pagos proximos visitandos usus est, crescentibus vero viribus pecora pagi, ubi natus erat, custodienti matri auxilio fuit, cuius etiam tempore hiemali ad parœcias proximas itinera comitatus est mendiculus, pannis obsoletis contra injurias aëris male vestitus. Anno ætatis circiter decimo tertio animad-

A

ver-

verterat vires suas paullatim decrescere, unde & oneri humeris prægravi gestando sensim se magis magisque sensit imparem. Satacundiæ vero partem cum hieme antegressa pervagaretur, dolor dorsum, præcipue in regione Renum, tam vehementis adgressus est, ut Bjoerneburgi, quorsum hoc tempore devenerat, aliquamdiu lecto adfigeretur; & ab hoc inde tempore dolor paulo inferius in regione lumbali dextra sedem tenuit. Accessit etiam minctio crebra & molesta. Quo tempore in Nosocomium est receptus, hic fere status habitusque erat.

Statura erat puer annis ætatis haud bene respondentे, pusillus, cute indutus tenera, oculis cæsiis, crine flavo, rariusculo, facie pallida, voce ætati conveniente puerili, quæ tamen ejulatibus raucedinem cum clangore quodam proprio sibi contraxerat. Memoriæ querebatur defectum, quo etiam factum est, ut Historiam morbi optato nostro imperfetiorem exhibuerit. Hebetiores etiam animi vires ceteræ videbantur. Erectus incedere non potuit ob dolorem lumborum tensivum, sed genubus curvatis, truncoque corporis antrorsum & dextrorsum inclinato, atque capite porrecto, anhelitibus & gemitibus auram sub conatu quovisesse erigendi implebat. Motus femoris dextri præcipue molestus, quare & hoc crus ad eundi opus imbecillius. Situs in lecto contortus, & in dextrum

trum latus præcipue placebat, eumque si mutare velles, doloribus ineffabilibus discruciar se, ejugalibus horrendis, sanguinis ad faciem tanto impetu, ut tota præ rubore niteret venamque vel minimam legere posses, contorsione corporis, & motibus extremitatum convulsivis satis indicabat. Assiduus ei erat nisus mingendi, quandoque gravatus in regione Perinæi, unde Intestinum rectum extrusum, tumidum, & plicatum, quandoque in Glande penis, manipulationem membra concitans, qua aliquantum levatum se sentire professus est. Urinæ copia intra nycthemeri spatiū guttatin excreta, sub initio tamen conaminis cujusque, antequam accederet paullisper continue effluens, sollicite collecta semilibram vix effecit: pallida ea esse conspiciebatur & flocculis pituitosis turbida. Facies genitalium ita mutata, ut Scrotum magnitudinem naturalem paullulum excedens, Penis retractior, Præputio ad marginem rubente & tumidulo indutus, conspicerentur. Materia etiam purulenta e Glaude penis & superficie Præputii interna, absque ulcere quodam conspicuo, secernebatur. Pulsus parvus, frequens simul & celer, ad C. intra minutum horæ procedens ictus, quem tamen numerum sub ipsis accessibus dysuresiæ aliquot adhuc ictibus excessit. Feriante vero dolore, prior status cum sudore totius corporis conspicuo, cui præter odorem acidulum nihil singulare. Vesicæ urinariæ explorationem per Catheterem, qua sine

signa calculi suspicionem moventia multo magis fallacia merito habentur, differre tunc cogebat urinariarum viarum erethismus, vectione in carro & summa inde orta motus molestia major. Cibi appetentia fere nulla, quæ pariter atque excretio alvi, inde ab eo tempore, quo primum dolor dorso adgressus est, manca fuerat ac difficilis.

His cognitis, morbum, quo laborabat æger, esse Lithiasin Renalem, in Rene dextro vel Uretere ejusdem lateris hærentem, eo potius existimavi, quo certius noveram, Lithiasin Vesicæ urinariæ apud vulgum nostratem nunquam antea observatam fuisse. Curatio itaque valetudinis attenuatæ, quæ a sanguinis missionibus, quantumvis ad erethismum præsentem debellandum idoneis, abstinere jubebat, hos scopos habere videbatur: conatus naturæ invalidos noxiosque aliis remediis compescere & dolores pertinaces levare: idque non sine utilitatis specie initio factum est balneis aquæ tepidæ, remediis sedantibus abdomini impositis, immissis clysmatibus, emulsionibus oleosis, potionibus mucilaginosis, Opiatis mitioribus, diæta congrua & quiete corporis, quibus post aliquot dies leniebantur dolores. Erethismo partium morbo laborantium aliquantulum sedato, exploratio Vesicæ urinariæ, diutius non differenda, die VI:to Junii instituta est, qua corpus in ea offensum, duriusculum, sabuli fere modo apicem Catheteris feri-

feriens, pressionique digiti in annum introducti pa-
rum cedens, nullum reliquit dubium de calculo
hocce etiam receptaculum obsidente.

In tali rerum conditione Curam Lithiaseos ve-
sicæ urinariæ radicalem, Lithotomiæ ope per-
gendam dissuadere visa sunt: status ægroti con-
sumtus, viresque ejus exhaustæ, Operationi chi-
rurgicæ sustinendæ & vulneri post eam sanando
impares: dolor in Lumbo dextro ab initio morbi
pertinax, ex quo Lithiasin etiam in Pelvi Renis
eiusdem lateris, aut in Uretere inesse opinandum
erat: tandemque per pauca urinæ flocculis turbidæ
quantitas, per nycthemeri spatium collecta, nego-
tium secretionis lotii indicans valde esse turbat-
um. Cura itaque palliativa, quam supra comme-
moravi, continuata est, cui postea accedebat usus
Carbonatis Potassæ, Foliorum Uvæ Ursi & Extra-
cti Hyoscyami. Ast parum utilitatis inde redun-
davit: neque levamen istud initio effectum diu
continuavit: neque Lithontripctica commemorata
lotii secretionem juvarunt: neque vim sedandi o-
ptatam exserere valuit Extractum Hyoscyami, cui
multum præstabat Opii usus denuo revocatus. Sed
quotidie acerbioribus doloribus excruciatus est æ-
ger: urina guttatum & sæpe invito eo profluebat:
tum pulsus magis magisque debilitatus, filiformis,
intermittens: summa virium prostratio subseque-
batur: tandemque nocte inter IV & V Augusti,

in-

ingruente frigidine & rigiditate extremitatum, vita malorum plena cum morte est commutata.

SECTIO CADAVERIS.

Die VII.mo Augusti instituta est Obdu^ctio a me, qui, Amanuensis ad N^osocomium munere fungens, ægroto adfueram. Corpus omne ultima macie confectum apparebat. Aperto Cavo abdominis, expositisque Organis uropoëticis, quæquippe nostræ jam erunt disquisitionis, Vesica urinaria, ad formam & magnitudinem ovi anserini distenta, dura sentiebatur: dextri lateris Ureter crassitudini Intestini tenuis æqualis, erat tumidus: Ren ejusdem lateris magnitudine fere naturali: Ureter sinner magnitudinem naturalem vix egrediens: Ren vero illius lateris solito major, ad magnitudinem Lienis accedens, colore lividus. His dissectis, Calculus in Vesica urinaria, magnitudine ovi gallinacei, aliquatenus ejus figuram etiam referens & juxta illum alias, drupæ pruni domesticæ forma & magnitudine, reperiebantur: parietes hujus receptaculi solito crassiores, duriores, calculum inclusum arête comprehendentes: Ureter dexter dimidio longitudinis inferiori, calculo oblongo, terete, paulum curvo, digitæ crassitudinem æquante, apicibus rotundato impletus erat: Ren dexter intus ulcere, materia purulenta, sabulosa, sebaceæ fere consistentiæ, pleno, exesus erat, ita ut nihil, præter mem-

membranam fasciculos nonnullos parenchymatis circumdantem inveniretur: in Rene autem & Urete sinistro, naturali mole majoribus, & quibus parenchyma solito mollius, nihil aliud erat praeter naturam.

Calculis siccatis color erat subfuscus, maculis albescientibus hinc inde variegatus: superficies eorum fere æqualis, digitis tractata sabulum dimisit subtile, his adhærens: majoribus calculis serra divisus, strata concentrica, quibus constant, interiora crassiora crystallos granulosos referunt distinctiores, exteriora autem tenuiora & densiora formationis crystallicæ vix monstrant vestigia: minus ille intus e crystallis constat conspicuis, stratis duobus densioribus crystallicam formationem minus distincte exhibentibus, circumdati. Diversa tandem horum calculorum fragmenta experimentis, ope tubuli ferraminatarii faciendis, subjecta, phænomena calculis e Lithate Ammoniacæ potissimum constantibus propria, ediderunt.

E P I C R I S I S.

Lithiasis sine dubio ex iis morbis est, cui tota organorum compages hospitium præbet: nonnunquam ei locum præbent Cerebrum, Oculi, Pulmones, Cor, Lien, Uterus, Ovaria, Ossa, Ligamenta, Musculi & Tela cellulosa, in viis lacrymalibus, sali-

salivalibus, alimentariis & biliariis s^epius generatur & alitur: prae reliquis vero corporis partibus longe frequentior veri calculi ex lotio nati sedes est in Organis uropoeticis, magna cum malorum gravissimorum caterva, nostro in morbi casu sat conspicua. Is Lithiaseos casus, apud vulgum nostratem novus a), attentionem mihi mereri videtur, etsi Therapia inde nihil novi vel memoratu digni accipiat, quippe qui adsensum ei opinatio*n*: ibi locorum ubi prorsus inauditus est Calculus Vesicæ urinariæ, de eo in morbis hujus conce*ptaculi* examinandis & dijudicandis non esse co*gi*-

- a) Casum Lithiaseos Vesicalis, in regionibus septentrionalibus rarius quam alibi occurrentis, novum hoc loco appellare placuit, quia nunquam antea apud vulgum Fenniæ observatus est ille morbus, quantum ex diariis Nosocomiorum & relationibus Medicorum Provincialium, Imperiali Collegio Medico Fennico quotannis exhiberi solitis, mihi licuit intelligere. Alios autem patriæ nostræ incolas ex Ordinibus Magistratum, Militum, Sacerdotum, & ætate proventiores, quibus Lithiasis Renalis haud rarus est morbus, Lithiasi Vesicali nonnunquam laborasse, satis comperi, existimans calculum in hoc Civium genere, ratione habita numeri ipsorum, eadem fere proportione occurrere, ac aliis in terræ plagis, e. gr. in Anglia & Hibernia, ubi locorum, secundum factas computationes constat: unum ex 100,000 Incolis quotannis Calculo Vesicali laborasse, & in Nosocomiis eorum unus ex 10,750 ægrotantibus hoc morbo afflictum fuisse. Cfr. S. COOPER Handbuch der Chirurgie, IV. B. III. Abth. Weimar 1814, p. 910.

gitandum b), cohibet, sed exceptionem ab illa in se recipit: fidem adstruens alii & veriori sententiae, Calculum nullo non tempore ubique & adfuisse & exstare posse c). Consideranti mihi fortunam pueri iniquissimam, in cuius etiam gremio,

B dum

-
- b) S. TH. SOEMMERRING (*Abhandlung über die tödlichen Krankheiten der Harnblase und Harnröhre alter Männer.* Frankf. A. M. 1822. p. 48.) ita judicat: "Die Gegend, worin der Kranke lebte, entscheidet manchmahl über alle Zweydeutigkeit. Z. B. lebte der Kranke beständig in einer Gegend, wo der Stein (wie z. B. in Hannöverischen und einigen Rheingegenden) eine ganz unerhörte Krankheit ist, so kann man auch nicht auf Steinbeschwerden denken."
- c) J. Z. PLATNERI *Institutiones Chirurgiae Rationalis.* Lips. 1745. p. 934. "Calculus ex iis morbis est, qui, cum omnibus hominibus eorum in se causam habeant & perpetuo alant, sine dubio nullo non tempore cogniti fuerunt."

C. J. M. LANGENBECK (*Neue Bibliothek für die Chirurgie, und Ophthalmologie.* II. B. III. St. pag. 429.) "Man war bisher der Meinung, dass in unserer Gegend keine Blasensteine vorkämen. Von allen Lehrern der Chirurgie in Göttingen vor mir ist auch nie der Steinschnitt gemacht worden. Mir schien diese Behauptung immer zu weit ausgedehnt, und ich dachte, dass, wenn sie auch weit seltener in unserer Gegend existirten, es sich doch noch wohl ein mahl ereignen würde einen am Steine Leidenden zu finden; weswegen ich auch nie den Catheterismus bey Beschwerden der Urinausleerung unterliess. Folgendes überzeugte mich bald, dass ich mich nicht getäuscht hatte" etc.

dum viveret, permansit, matrem, eandemque nutricem dissolutam, victum, quo ægre vitam toleravit, parum salubrem, ætatem tenellam, habitum corporis gracilem, nec non symptomata ægritudinis, quam primus Lithiaseos Renalis accessus exceptit, de Pathogenia morbi nullum superest dubium. Jam primum arbitror, abdominis inflationem, corporis maciem & virium defectum, eundi negotio imparium, quibus mox ab infantia laboravit puer, illi merito tribuenda esse alimentarium viarum adfectioni, quæ dyspepsia, bulimia, alvo aut justo liquidiori aut strictriori aliisque earum vitiis annunciat, & in longum protracta abiit in Atrophiam, cui præternaturalis intumescentia viscerum abdominis defœctioque & alienatio vis nutritivæ & motricis propria sunt d). Is etenim morbus abdo-

- d) *Atrophia Sauvagesii,* Vogelii, Atrophia Glandularis, speciatim Mesenterica Infantum, (Passiva, ab alimento crudo, viscido, acido,) Haartmanni Rhachitis Incompleta, (Svetice Riset seu Risen.) Cel. SOMMER (Archiv für Medicinische Erfahrung von E. HORN. Leipz. 1801. p. 545.) sequentem illius morbi descriptionem edidit: "In dieser Periode nun, gleich beim Abgewöhnen, werden die meisten Kinder mürrisch und betrübt: sie bekommen grösstentheils zwar nur einen leichten Durchfall, durch den sie aber ziemlich matt werden: und wenn der Durchfall entweder blos durch die eigenthümliche Kraft der Natur oder durch Hülfe der Kunst gehoben ist, so bekommen dieselben einen ganz ungewöhnlichen Appetit zu Brod, besonders Roggenbrod, und essen solches, wie sie es nur fin-*

dominalis, infantili ætate, vel jam quinto mense,
vel serius se exserens, commune fere ubique in
Fennia infantilium morborum seminum est, &
causam Rhachitidis completæ, Scrophularum, Ver-
mium intestinalium &c. constituit, prout diathe-

B 2

sis

den, mit einer unbeschreiblichen Begierde. Dieses heisse
Verlangen ist nun schon der erste Grad der Krank-
heit, die ich beschreibe. Wird diese Begierde nach Brod
befriedigt; so bekommen sie in kurzer Zeit Ekel vor allen
Fleischspeisen, und in dem Verhältnisse dieses Ekels
steigt die Begierde zum Brode bis zum Heisshunger, so,
dass ich oft gesehen habe, wie Kinder aus dem Zusam-
mehrigt des zimmers Brodstücke herausgesucht, oder den
Hunden aus dem Munde genommen, und mit der grössten
Begierde verzehrt haben. In den ersten Monaten bleibt
das Kind gesund und munter genug dabei, außer dass
sein vorher derbes Fleisch schlaff anzufühlen ist, und das-
selbe ein blasseres ansehen bekömmt. Aeltern und Erzieher
halten dies gewöhnlich für eine Folge der Entwöhnung,
sie beruhigen sich damit, freuen sich auch wohl noch gar
über des Kindes guten Appetit zum Brod, und hoffen,
dass es dadurch bald wieder zu kräften kommen werde. —
Einige Zeit nachher fängt der Unterleib an hoch und hart
zu werden, und in dem nemlichen Verhältnisse, als die-
ser zunimmt, magern Gesicht und die Extremitäten zu-
sehends ab." etc. Communis ubique in patria nostra est
noxius plebis mos, ut nimis mature infantibus artificialia
alimenta, farinacea, acida, quibus ipsa utitur, præbeat,
non curans, utrum repentinæ omnes cibi potusque cu-
juscunque generis mutationes infantili ætati convenientes
sint nec ne. Quo morbus səpissime contrahitur.

sis ad hunc vel illum morbum determinata fuerit. Imprimis vero infantes mendicantium, vitiis viscerum abdominis, languore, pigritia & flacciditate muscularum saepius laborantes, eo corripiuntur: illiusque caussæ externæ, quos evitare non possunt mendiculi, in corrogato cibo, farinaceo, mucido, acido, nimis matura nutrimentorum, tenellæ ætati non convenientium, commutatione, immunditia cutis & aëre humido, frigido, qua-cunque ratione in domiciliis insalubribus depravato, simul comprehenduntur, nec non in aliis nocentium potentiarum momentis vires eorum debilitantibus adesse possunt. Harum itaque causarum noxiā vim, quam puer in nostro casu ab unde passus est, primum statum viscerum abdominis per sex annos morbosum, Athrophiam puta Glandularem, effecisse, verisimiliūm est. Chylo-poëticorum igitur organorum functionibus jam diu infirmatis & fractis, eam quoque defecisse uro-poëticorum organorum vim patet, qua partes locum constituentes naturales servantur, cum dynamicus horum organorum concentus, persistente pathologica conditione, morbose excitatus & alienatus est: & ex illa viarum urinariarum efficientia labefactata proclivitas earum & tota diathesis ad Lithiasin futuram est derivanda e). Posita sic dia-

e) C. SPRENGEL (*Institutiones Pathologiæ Generalis.* Amst. 1823.) hæc habet, pag. 201: "In hæmorrhoidariis adfæcti-

diathesi morbi futuri, externisque ejus causis nunquam non præalentibus, ejusdem omnino generis ac antecedentis morbi causæ commemoratae exter-
næ, organa uropoëtica post Atrophiam infantis ul-
terius pessumdata sunt f), facile faventia materiæ
mucosæ secretioni & Acidi lithici justo majori
quantitate præcipitationi, unde potissimum arenulæ,
lapilli & calculi origines & accessiones in his or-
ga-

bus, arthriticis, scrophulosis & incipiente calculo urina-
rio non rarum est ingentem lotii copiam continuo mitti.”
p. 203. ”Peculiaris vero est urinæ hypostasis, quæ calcu-
lorum generationem prægredi solet: non necessario in eos
transiens, sed alias etiam morbos adducere valens, qui a
stasibus abdominalibus, laxitate & muci animalis abun-
dantia nascuntur. Est satis spissa & compacta, ut arenu-
las etiam & lapillos sistat.”

W. PROUT Ueber das Wesen und die Behandlung des
Harnrieses und Harnsteins. Weimar, 1823, p. 99. etc.

R. BINGHAM über die Krankheiten der Blase. Magde-
burg, 1823, p. 267.

A. G. RICHTER Chir. Bibl. XI. B. I. St. p. 411. ”Eine
fehlerhafte Verdauung hat eine fehlerhafte Absonderung des
Urins, und diese den Stein zur Folge.”

f) PLATNER. l. c. pag. 959 ”Calculus, qui Vesicam infestat;
”nullam ætatem magis exercet quam puerorum. Inimicior
”etiam ex his illis est, qui ab humilis fortunæ parenti-
”bus nati sunt. Ex quo conjicere licet, calculo ut plu-
”rimum cibum potionemque occasionem adferre, ex cru-
”da, acida & viscida materia paratum.”

ganis duxerunt g). Ex quibus demum calculis, in viis urinariis crescentibus, novæ accesserunt causæ, quæ secundariam valetudinis depravationem, accessum puta Lithiaseos Renalis vehementem, ulcerationem Renis dextri, paucam quantitatem lotii secreti e Rene ampliori sinistro, vicem & dextri gerente, Febrim hecticam, symptomata urinariorum calculorum omnia commemorata, tandemque mortem attulerunt.

Seorsum hic casus probare videtur, diathesin ad urinarios calculos, quamvis in plebe borealium regionum minus frequentem, antecedente Atrophia Infantum, provocari posse, & totam inde oriundam Lithiasin, causis externis diu & vehementer influentibus, generari: pariter ac illi status, præcedente stasi abdominali Senum, Hæmorrhoidariorum, Arthriticorum, in nobilioribus civium ordinibus proveniunt; ut unus idemque proventus dirissimus a vitæ ratione miserrima & victu vilissimo, ac a vita lauta & nutrimento superfluo, calculorum genesi æque faventibus pertimescendus sit, & Prophylaxis Lithiaseos optima in evitando hæc victus extrema habeatur h).

Hic

g) C. SPRENGEL I. c. p. 207. "Pueri præsertim scrophulosi, aut qui pituitosa abdominis colluvie laborant, sexto ætatis anno frequentius calculis corripiuntur."

h) PROUT, BINGHAM, I. c.

Hic casus porro ostendit, diagnosin morborum Organa uropoëtica infestantium, mancam & difficilem esse, ad quam ergo rite formandam requiritur accurata examinatio, non solum Phænomena morbi omnia spectans, quæ fallacia sunt, sed etiam ægroti ætatem, usque a prima infantia valetudinem & universam vivendi rationem. His cognitis, explorationem Vesicæ urinariæ & Intestini recti instituet Medicus, antequam morbum definiat.
